



PRIJEDLOG

Na osnovu člana 14. Zakona o zdravstvenoj zaštiti («Službene novine Federacije BiH», broj: 46/10), člana 65. i 66. Zakona o pravima, obavezama i odgovornostima pacijenata («Službene novine Federacije BiH», broj: 40/10), i člana 18. Statuta Općine Maglaj («Službene novine Općine Maglaj», broj: 8/07, 3/08 i 6/08), Općinsko vijeće Maglaj na sjednici održanoj dana 28.12.2017. godine, donosi

ODLUKU

o osnivanju Zdravstvenog savjeta na području općine Maglaj

Član 1.

(Predmet odluke)

- (1) Ovom Odlukom osniva se Zdravstveni savjet na području općine Maglaj (u daljem tekstu: Zdravstveni savjet).

Član 2.

(Poslovi Zdravstvenog savjeta)

- (1) Zdravstveni savjet obavlja slijedeće poslove:

- predlaže i evaluira sprovođenje zdravstvene zaštite na području općine Maglaj,
- daje mišljenje na planove i programe zdravstvene zaštite na području općine Maglaj, te predlaže mjere za poboljšanje dostupnosti i kvaliteta zdravstvene zaštite na području općine,
- prati povrede pojedinačnih prava pacijenata na području općine Maglaj,
- predlaže preduzimanje mjera za zaštitu i unapređenje prava pacijenata na području općine Maglaj,
- prati primjenu propisa na području općine Maglaj koji se odnose na zaštitu prava i interesa pacijenata,
- obavještava Zdravstveni savjet u Kantonalnom Ministarstvu zdravstva o slučajevima težih povreda prava mogu ugroziti živote ili zdravlje pacijenata,
- obavještava javnost o povredama prava pacijenata kao i važnim pitanjima u svrhu boljeg upoznavanja pacijenata o aktualnim stvarima ,

- podnosi Općinskom vijeću godišnji izvještaj o svom radu, i obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakona o zdravstvenoj zaštiti kao i Poslovníkom o radu Zdravstvenog savjeta

Član 3.

(Zadaci Zdravstvenog savjeta)

- (1) Zdravstveni savjet donosi Poslovník o svome radu kojim se bliže uređuje organizacija i način rada.
- (2) Zdravstveni savjet u okviru poslova i zadataka koje obavlja aktivno će biti uključen i imat će partnersku ulogu zajedno sa zdravstvenim ustanovama i nadležnim ministarstvima i drugim organima i institucijama koji se bave zdravstvenom zaštitom , u donošenju zakonskih i podzakonskih akata i drugih mjera u cilju adekvatnog zadovoljavanja potreba zdravstvene zaštite lokalnog stanovništva, a posebno u situacijama kada je u pitanju otklanjanje određenih riziko – faktora za zdravlje stanovništva (vodosnabdijevanje, uklanjanje deponija i slično).

Član 4.

(Broj članova Zdravstvenog savjeta)

- (1) Zdravstveni savjet na području Općine Maglaj će brojati najmanje 9 a najviše 15 članova.

Član 5.

(Učešće u Zdravstvenom savjetu)

- (1) Općinski načelnik će na osnovu Javnog poziva imenovati predsjednika i članove Zdravstvenog savjeta iz reda predstavnika:
 - predstavnika pacijenata iz reda registriranog Udruženja koji se bave zaštitom i pravima pacijenata
 - predstavnika mladih iz reda registriranog Udruženja mladih sa područja lokalne zajednice
 - predstavnika Općinskog organa uprave iz reda zaposlenika koji se bave zdravstvenom /socijalnom zaštitom građana kao i sanitarno epidemijološkom djelatnošću
 - predstavnika zdravstvene komore medicinskih sestara tehničara sa područja lokalne zajednice
 - predstavnika zdravstvene komore ljekara sa područja lokalne zajednice
 - predstavnika udruženja iz reda Udruženja za prevenciju diabetesa sa područja lokalne zajednice
 - predstavnika udruženja iz reda registriranog Udruženja hemodijaliznih bubrežnih bolesnika općina

- predstavnika Crvenog krsta/križa s područja lokalne zajednice iz reda dobrovoljnih davalaca krvi
- predstavnika zdravstvenih radnika iz reda privatnih praksi sa područja lokalne zajednice
- predstavnika penzionera iz reda Udruženja penzionera sa područja lokalne zajednice
- predstavnika apotekarske djelatnosti iz reda registriranih apoteka sa područja lokalne zajednice
- predstavnika paraplegičara iz reda registriranog Udruženja paraplegičara sa područja lokalne zajednice
- predstavnika invalida rada iz reda registriranog Udruženja invalida rada sa područja lokalne zajednice

Član 6.

(Sazivanje sjednica Zdravstvenog savjeta)

- (1) Imanovani predsjednik Zdravstvenog savjeta (od strane Općinskog načelnika), je obavezan najkasnije u roku od 30 dana, računajući od dana dobijanja rješenja o imenovanju, sazvati prvu sjednicu Zdravstvenog savjeta na području općine Maglaj.
- (2) Svu tehničku i administrativnu podršku u radu Zdravstvenog savjeta na području Općine Maglaj obavlja Služba za boračko-invalidsku, socijalnu zaštitu, opću upravu i društvene djelatnosti u čijoj nadležnosti je zdravstvena zaštita.

Član 7.

(Čuvanje Službene tajne)

- (1) Zdravstveni savjet je u svome radu obavezan postupati tako da ne ugrozi obavezu čuvanja službene tajne.

Član 8.

(Mandat i naknada)

- (1) Mandat imenovanog Zdravstvenog savjeta je 4 (četiri) godine.
- (2) Zdravstveni savjet ima pravo na naknadu za svoj rad u Zdravstvenom savjetu.
- (3) Visinu naknade iz prethodnog stava utvrđuje Općinski načelnik posebnim zaključkom a u skladu sa planiranim sredstvima u Budžetu Općine Maglaj.
- (4) Zdravstveni savjet ima obavezu dostavljanja Izvještaja o radu svake godine za proteklu godinu Općinskom vijeću Općine Maglaj kao i Programa rada Zdravstvenog savjeta za tekuću kalendarsku godinu.

Član 9.
(Prestanak primjene)

(1) Danom stupanja na snagu ove Odluke prestaju da važi dosadašnja Odluka broj: 02-05-1-2405/12 od 27.12.2012.godine o formiranju zdravstvenog savjeta na nivou općine Maglaj.

Član 9.
(Stupanje na snagu)

(1) Ova Odluka stupaju na snagu narednog dana od dana objavljivanja u „Službenim novinama Općine Maglaj“ .

Broj:

Predsjedavajuća Općinskog vijeća

Datum:

Svjetlana Zamboni

OBRAZLOŽENJE

I PRAVNI OSNOV

Pravni osnov donošenja ove Odluke sadržan je u člana 14. Zakona o zdravstvenoj zaštiti («Službene novine Federacije BiH», broj: 46/10), člana 65. i 66. Zakona o pravima, obavezama i odgovornostima pacijenata («Službene novine Federacije BiH», broj: 40/10), i člana 18. Statuta Općine Maglaj («Službene novine Općine Maglaj», broj: 8/07, 3/08 i 6/08)),

II RAZLOZI ZA DONOŠENJE

Razlozi za donošenje ovog akta sadržani su u Zaključku Općinskog vijeća broj: 02-05-1-2755/17 od 05.12.2017. godine kojim je zadužena resorna Služba za boračko-invalidsku socijalnu zaštitu, opću upravu i društvene djelatnosti općine Maglaj da predloži materijal za ulazak u procedure imenovanja zdravstvenog savjeta na području Općine Maglaj obzirom da dosadašnji Zdravstveni savjet Općine Maglaj uopće nije funkcionirao odnosno da se u budućem periodu pristupi uređenju ovih pitanja. Zaključkom Općinskog vijeća broj 02-05-1-2949/17 od 28.12.2017. godine usvojen je Nacrt ove Odluke te je zadužena resorna Služba da u roku od 30 dana održi Javnu raspravu.

Javne rasprave po Nacrtu Odluke o osnivanju Zdravstvenog savjeta na području Općine Maglaj, održana je dana 17.01.2018. godine, sa početkom u 13 sati i 45 minuta. Na javnoj raspravi učešće i prisustvo je dalo 9 građana sa općine Maglaj. U uvodnom otvaranju Javne rasprave u cjelosti su pročitane primjedbe dopresjedavajućeg Vijeća Općine Maglaj date na sjednici Općinskog Vijeća koje je razmatralo predhodno dostavljeni Nacrt dokumenta.

U daljem toku Javne rasprave očitivali su se i :

Hasanić Zijad koji je istakao da mu nije poznato postojanje ranijeg Zdravstvenog savjeta s obzirom da nije osjetio njihovu ulogu i funkciju koju su trebali obavljati, nadovezujući se na pitanje važnost donesenih odluka zdravstvenog savjeta. U svojoj daljoj diskusiji osvrnuo se na predstavnike; pacijenata smatrajući veoma širokim pojmom, mladih naglašavajući po njegovom mišljenju predstavnik mladih nepotrebanim ; , predstavnik zdravstvene komore, predstavnik zdravstvenih radnika ponovo pitajući kojih - kao veoma širokog pojma, te predstavnik zdravstvenih radnika privatnika osporavajući ih kao ne funkcionalne u ovoj grupi , tražeći dodatno uvođenje predstavnika apoteka.

Musaefendić Asim predstavnik ispred Udruženja diabetičara ističući kakao se o radu ovog udruženja govori samo na dan obilježavanja međunarodnog Dana diabetičara i ako su veoma aktivni na lokalnoj zajednici. Istakao je i nedovoljnu informisanost pacijenata u uporabi zdravstvenih „markica“ iz razloga tog što građani o njihovoj važnosti nisu uopće

dobro informisani. Napominjao je njihovu važnost u procesu liječenja pacijenata posebno hronično oboljelih i olakšice koje one donose. Istakao je nedostatak specijalista dijabetologa na čijem mjestu radi internista, kao i nedostatak besplatnih trakica u svrhu mjerenja šećera, za potrebe oko 400 pacijenata.

Zamboni Svjetlana Predsjedavajuća OV je diskutirala o broju predstavnika Zdravstvenog savjeta i dala je prijedlog davanja preporuke ispred Udruženja svojim aktivnim članovima, a što će biti važno prilikom odabira predstavnika Udruženja i to sve s obzirom na činjenicu da se svaki zainteresirani građanin može samoinicijativno prijaviti na Javni poziv za ovaj savjet.

Također je napomenula da će novoizabrani predstavnicu Zdravstvenog savjeta raditi na svojim obavezama u službi građana

Javna rasprava okončana u 14 sati i 45 minuta.

III FINANSIJSKA SREDSTVA

Nisu potrebna naknadna ili dodatna planiranja sredstava u Budžetu za rad ovog Svjeta ista su sadržana i dovoljno planirana u Budžeta za 2018. godine

obradu


Obrađivač:

Služba za BISZ